

আন্তর্জাতিক

ইরানকে অবিশ্বাস করার ক্ষেত্রে আমিই সবার আগে থাকব: ট্রাম্প

প্রতিবেদক: আন্তর্জাতিক ডেস্ক

প্রকাশের তারিখ: বুধবার, ১২ আগস্ট ২০২৬, ০২:৪২ PM



ইরানকে অবিশ্বাস করার ক্ষেত্রে আমিই সবার আগে থাকব বলে মন্তব্য করেছেন মার্কিন প্রেসিডেন্ট ডোনাল্ড ট্রাম্প। তিনি বলেছেন, হরমুজ প্রণালির ওপর যুক্তরাষ্ট্রের সম্পূর্ণ নিয়ন্ত্রণ রয়েছে।

যুক্তরাষ্ট্রের মেরিল্যান্ড অঙ্গরাজ্যের জয়েন্ট বেজ অ্যান্ড্রুজে সাংবাদিকদের সঙ্গে আলাপকালে ট্রাম্প এসব কথা বলেন।

ট্রাম্প বলেন, ইরানের সঙ্গে পরিস্থিতি বেশ ভালোভাবেই চলছে। হরমুজ প্রণালিও পুরোপুরি যুক্তরাষ্ট্রের নিয়ন্ত্রণে রয়েছে বলে দাবি করেন তিনি।

মার্কিন প্রেসিডেন্ট বলেন, আমাদের নৌবাহিনী অবিশ্বাস্য রকমের ভালো। আমাদের দেশের জন্য সবকিছু দারুণভাবে এগোচ্ছে।

ইরানকে বিশ্বাস করেন না জানিয়ে ট্রাম্প বলেন, দেশটি তাঁর সঙ্গে প্রতিনিয়ত মিথ্যা কথা বলেছে। হরমুজ প্রণালির ওপর এখন ইরানের কোনো নিয়ন্ত্রণ নেই।

এদিকে যুক্তরাষ্ট্র ও ইরান নতুন করে সমঝোতায় পৌঁছানোর কাছাকাছি রয়েছে বলে জানিয়েছে পাকিস্তান। দেশটির প্রতিরক্ষামন্ত্রী খাজা আসিফ বলেছেন, সাম্প্রতিক পরিস্থিতির বিভিন্ন সংকেত থেকে বোঝা যাচ্ছে, দুই পক্ষ কোনো ধরনের সমঝোতার খুব কাছাকাছি রয়েছে।

মঙ্গলবার বুমবার্গ নিউজকে দেওয়া এক সাক্ষাৎকারে খাজা আসিফ বলেন, গত দুই-তিন দিনের পরিস্থিতি আবারও শান্তি বা চুক্তির অনুকূলে এগোচ্ছে।

মধ্যস্থতাকারী কাতারও জানিয়েছে, হরমুজ প্রণালি পরিচালনা ও জাহাজ চলাচল নিয়ে ইরান ও ওমানের আলোচনা [অগ্রসর পর্যায়ে] রয়েছে।

তবে কূটনৈতিক অগ্রগতির মধ্যেও উত্তেজনা পুরোপুরি কমেনি। উপসাগর ও লোহিত সাগরে জাহাজে নতুন করে হামলার ঘটনা ঘটেছে।

ফলে একদিকে সমঝোতার সম্ভাবনা তৈরি হয়েছে, অন্যদিকে হরমুজ প্রণালি ও সামুদ্রিক নিরাপত্তা নিয়ে উত্তেজনা অব্যাহত রয়েছে।

এ বিভাগের আরও খবর



তেহরান শিগগিরই [নিউ ডেভেলপমেন্ট ব্যাংকে] যোগ দিতে চলেছে: ইরানি গভর্নর
ব্রিক্স শীর্ষ সম্মেলনে যোগ দিতে ভারতে আসছেন ইরানের ব্রেসিডেন্ট মাসুদ পেজেশকিয়ান। আগামী ১২-১৩ সেপ্টেম্বর নয়াদিল্লিতে
অষ্টাদশ ব্রিক্স শীর্ষ সম্মেলন...



ইন্দোনেশিয়ায় ফের শক্তিশালী ভূমিকম্প
ইন্দোনেশিয়ায় এক দিনের ব্যবধানে ফের শক্তিশালী ভূমিকম্প আঘাত হেনেছে। ভোরে ৭ দশমিক ৭ মাত্রার শক্তিশালী ভূমিকম্পের
পর দেশটির উত্তর সুমাত্রা প্রদেশ...



হরমুজকে [মার্কিন ডুখণ্ড] হিসেবে ঘোষণা করতে চান ট্রাম্প
ইরানকে যুদ্ধে পরাজিত করার পর পারস্য উপসাগরের গুরুত্বপূর্ণ জলপথ হরমুজ প্রণালিকে মার্কিন ডুখণ্ড হিসেবে ঘোষণা করতে চান
যুক্তরাষ্ট্রের প্রেসিডেন্ট...



ভারত সফরে আসছেন ইরানের প্রেসিডেন্ট
আসন্ন ২০২৬ সালের ব্রিকস সম্মেলনে যোগ দিতে ভারত সফর করবেন ইরানের প্রেসিডেন্ট মাসুদ পেজেশকিয়ান। ইরানি সূত্রের
বরাতে এ তথ্য জানিয়েছে এশিয়ান নি...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/international/iranke-obishbas-krar-kshetre-amii-sbar-age-thakb-tramp>